


出曜經



四百廿六
殿八

20866
9



元禧九年丙子二月三日

皇圖聖固 帝懋銀昌

佛日增輝 懋輪常轉

山城州天安寺法金剛院置

出曜經卷第十八

殿

姚秦三藏

竺佛念

譯

雙要品第三十

夜光照於冥 至日未出間 日光布大明
夜光便躡蹀

觀此義已。以未引喻。欲使後生明達其事。若
若夜光之出處。在幽冥布其光。以是有所照
謂為已收。無有及者。值日天子放百千之
昇于東方。今時有復有夜光出。以顏色躡蹀
像如純默。是故說曰。夜光照於冥。至日未出
間。日光布大明。夜光便躡蹀也。

案者。在光時。如未未出頃。佛去放大的



下
立察其聲聞

外道梵志所行不同或有察而知者或有入
定而知者或有聞教而寤者此三種人在世
跨行各自謂言所以然者蓋由如來未現於
世設如來降祚於世故大光明流教布化今
時外道梵志自然持敬其道不行無復威祚
是故說曰夜光照於冥至日未出間日光者
大明夜光便黷黷也

不牢起牢想 牢起不牢想 彼不至於牢
由起邪見故

不牢起牢想者此衆生類戀慕生死若自生
念人處世間樂著五欲以自娛樂者乃為牢

固是故說曰不牢起牢想也牢起心牢想者
邪見之人執意來久共相指授乃興此論竊
聞佛家稱說泥洹重生無滅無起滅想亦復
豈有歌歎喜舞宗款五族行來進止固款落
地都無此者有何牢固佛言不令斯等顛倒
邪心以滅牢而固若莫過泥洹反更毀咎以
為不牢是故說曰牢起心牢想也彼不處於
牢由起邪見故者佛盡泥洹豈有眾患澄然
豈為凝神不動亦不變易愚者不解以為此
真是彼說曰彼不至於牢由起邪見故也
牢而知牢者 不牢知不牢 彼入求於牢
正治以為中

為有眾生解滅盡泥洹每生每滅亦不欺詐
誰惑於世諸佛世尊永息之室其有眾生入
此室者寵位至不以增歎毀辱逼不以加感
與倒見異其辭邪部殊其趣冥然太虛永息
不起智者之所慕非愚之所習欲至彼室者
要涉八正之徑路求渡十二之供崖以渡生
死之險岸安非妄為之澹然顧眄悠悠之楚
酷苦哉愚惑之滋甚是故說曰牢而知牢者
不牢知不牢彼人求於牢正治以為切也
愚意以為牢 又被九結縛 如鳥投羅網
斯由愛深固
愚意以為牢者夫人在世意思離羣或言蔭

聚為牢或言結本為牢於中興想不別真偽
雖復出家學道及習邪行是故說曰愚意以
為牢也反被九結縛者人之修道要當捨家
遇惡知識指授邪徑捨故結縛反被九結如
蛾投火不顧後慮斯由愛深固是故說曰反
被九結縛如鳥投羅網斯由愛深固也
諸有慍狐疑
今世及後世
禪定盡能滅
妄惱修梵行

諸有慍狐疑者彼彼修行人思惟惡露不淨
之想除去狐疑憎嫉之心聞則得信不重思
惟是故說曰諸有慍狐疑也今世及後世者
今者見身後者後身今者現世後者後世於

中不與狂豫生狐疑者乃應定意是故說曰
今世及後世也禪定盡能滅定者入定之人
心意堅固盡能消滅不興想者是故說曰禪
定盡能滅也無惱修梵行者不為結使所煩
惱執意情淨常如一心所修德本超越人上
是故說曰無惱將梵行

無塵離於塵

能行此服者

無御無所至

此不應法服

人之修道常懷深汚媼怒癡垢不去于心雖

披袈裟不去三毒此則不至於道是故說曰

無塵離於塵也能持此服者唯有賢聖之人

妨塞眾惡法服此真法之服無有此者則不

應服是故說曰能持此服者每御每所至此
亦應法服

若能除垢穢

修戒等惠定

彼應思惟業

此應服如沙岩

若能除垢穢修戒等惠定也人之修學除穢
為本三毒結使永盡無餘雖得羅漢不入定
意每祀對至乃知謬誤修戒除垢穢不失其
道心是故說曰若能除垢穢修戒等惠定也
彼應思惟業此應服如沙岩者入定之人必有
所憂心有所念每事不果諸天世人魔及魔
天釋梵四天王靡不宗奉而承事者是故說
曰彼應思惟業此應服如沙岩也

不以柔和言 名稱有所至 人有善顏色
乃慳巧偽心

不以柔和言 名稱有所至者世多人與人
言談內慳刻宛外如現愚是故說曰不以柔
和言名稱有所至也人有善顏色乃慳巧偽
心者往昔波斯匿王國觀遊戲見二梵志苦

形學道仰事日月祭祀水火王見此人學道
志苦尋往佛所白世尊言向行遊觀見二梵
志苦形學道至為難及亦無儔足佛告王曰
人之修德持戒完具欲得知者要當同止觀
察威儀尋省來語然後乃知有戒無戒王聞
斯語內懷慚愧即從座起頭面禮足辭退而

去還至宮殿告語傍臣汝速詣彼喚二梵志
在我後園吾觀察審有苦行求於道德爲虛
稱詐逸行不合己日受其教即喚在園王自
樓上遙觀其行知彼巧僞詐稱爲道重懷慙
愧思心自悔信心隆盛貪樂佛道即令國界
人民之類其有供事外學異道者皆受誅戮
不得縱容王至佛所頭面禮足悔本不及自
今已往四事供養恭敬三寶蓋其形壽不違
此誓是故說曰人有善顏色乃懷巧僞心也
有能斷是者 永拔其根本 智者除諸穢
乃名爲善色
有能斷是者永拔其根本者世人多懷姦宄

之心雖披法服內行不真能斷此者乃應道
門是故說曰有能斷此者永拔其根本智者
除諸穢乃名為善色者智人習法要應為道
非法不行學者所貴顏色怡耀眾人敬仰是
故說曰智者除其穢乃名為善色也

不以色縱容

暫觀知人意

世多違行人

遊蕩在世界

如彼虛偽輸

其中純有銅

獨遊無畏忌

內穢外不淨

不以色縱容暫觀知人意者世多有人顏色

縱容與人言談辭義辨美然內心虛偽心口

相違雖名為人性行不均外如賢士內懷毒
行雖暫相見賢愚不別終夜觀火遙見光皎

若當往捉便燒其手此亦如是雖有顏色內
懷熾炎是故說曰不以色縱容暫覩知人意
也世多違行人遊蕩在世者當未愚人巧
詐滋繁漸漸遂至墮賢毀聖割疣萬端幻惑
世人與人言談顏色不正出言成章辯聰每
礙堪在大衆為無軌事衆人覩者莫不飾目
是故說曰世多違行人遊蕩在世界也如彼
虛偽鍤其中純有銅者巧詐之人多諸方略
以烟熏銅色勝真金誑惑世人貪取財貨是
以如來引此為喻如彼偽鍤獲世重利割疣
之人亦復如是耳言美辭誘進檀越獲致供
養四事不之衣被飲食床褥卧具病瘦醫藥

雖獲其供養後當償之報受洋銅經歷苦惱
罪積未畢是故說曰如彼虛偽鑰其中純有
銅也獨遊每畏忌內穢外不淨者如彼割究
之人多指翼從人間遊處眾人見者莫不興
敬如賊暴虐多壞村落然後乃知非是真入
也是故說曰獨遊無畏忌內穢外不淨也

貪饕食不自節 三轉隨時行 如園被養睹
數數受胞胎

貪饕食不自節三轉隨時行者如彼愚癡之人
為人標首受人供養自喪其形身體肥盛不
能轉側擅越施主隨時禮覲愚人揚坐入定
思惟由是自致得大供養是以世若假以為

譬如被養脂卧食不動不知久久當受屠割
捨身受身益有休已是故說曰貪饕不自節
三轉隨時行如圈被養脂數數受胞胎也

人能專其意 於食知止足 趣欲支其形

養壽守其道

昔佛與波斯匿王而說此偈波斯匿王宿植
德本福嚮自應於後園中自然生耳蔗之樹
流出耳漿晝夜不絕於彼園中自然生一株
粳米垂穗數百取之無盡王受其福食之益
戢身體肥重喘息苦極不能轉側時往佛所
佞身揖讓在一面坐念時世方便說此偈
人能專其意 於食知止足 趣欲支其形

養壽守其道

五聞斯語歡喜踊躍不能自勝即從座起辭
佛還宮即勅厨宰作食之人設汝擊乎食在吾
前者先說斯偈今乃得食自是以始常以為
法王轉減食身體輕便進止行來無所患苦
觀淨而自修 諸根不具足 於食豈厭足
斯等凡品行 轉增於欲意 如屋壞穿漏
觀淨而自修 諸根不具足者初履行人意不
堅固內自思念髮毛爪齒愛著清淨興著欲
想增益瞋恚愚癡滋長不攝諸情根門不定
放逸自恣遂失道由火赫熾復益酥油深
以此理豈是滅火之兆乎夫欲息媯想癡火

永不生者。當興惡。為不淨之想。是故說曰。觀
淨而自修。諸根不具足也。於食。無厭足。斯等
凡品行者。彼修行人。乞求無厭。得而藏囊。慳
心。而捨。為後命。終受凡品行。是故說曰。於食
無厭足。斯等凡品行也。轉增於欲。意如屋壞
穿漏者。行人報恩。不修善根。欲意熾盛。不自
改。當復經歷生死之難。猶若蓋屋。覆治不
牢固。天雨。則漏澆。瀆衣服。淨者。使汚。人情如
是。意不堅固。漏。媼。怒。癡。是故說曰。轉增於欲
意。如屋壞穿漏。

為親不淨行。諸根無缺漏。於食知止足。
有信執精進。不恣於欲意。如風吹泰山。

高執不淨行諸根不缺漏者行人御意不暇
貪息執察此身漏出不淨一一分別料簡另
中三十六物穢汚不淨從頭至足每一可貪
收攝諸根不使漏失是故說曰高執不淨行
諸根無缺漏也於食知止足有信執精進者
行人執意得無漏信多貪憂曹不容入定信
心勇熾堪行精進超群獨邁尋受其證是故
說曰於食知止足有信執精進也不恣於欲
意如風吹泰山者行人用意與相不乱欲為
禍根主生災患見身祿愴不受與以死則對
至燒力之痛料別此理悉為苦患制意不興
色聲香味細滑之法外御六塵內攝六情內

外清淨不濁欲意務為泰山安峙堅固不為
飄風之所吹動心如金剛不可沮壞是故說
曰不恣於欲意如風吹泰山也

空閑甚可樂 然人不樂彼 無欲常居之

非欲之所處

空閑甚可樂者所以聖人論此語者欲使行
人速獲其法用靜之中意得專一思惟校計
不移時節意合嚮應如人呼聲是故說曰空
閑甚可樂也然人不樂彼者如此之徒皆是

凡夫意者愛欲不能捨離意者女色以為室
用一旦亡歿乃知非真是故說曰然人不樂
彼也無欲常居之者所以言聖人者無嬉怒

癡諸結縛者翫然除盡淨如天金亦無微翳
多在入村周旋教化到時持鉢福度衆生隨
施多少咒願施主檀越施主值聞聲者則聞
道教貫徹心懷設值辟支佛者飛錫空虛作
十八變形雖在衆心存曠野是故說曰無欲
常居之也非欲之所處者著欲之人心意有
在犯人者罪閉在牢獄官不決斷遂經年歲
望欲求出良難得矣媮逸之人亦復如是癡
心所裏閉在欲獄不遭無漏聖睿之藥欲得
免濟甚復難剋也是故說曰非欲之所處也
在林閑靜高岸平地應真所過莫不蒙祐
真人所居必有善應地至四王常來擁護所

居之方不被災患福能抑惡衆害不生由聖
后中威祚所致是故說曰在林閑靜高岸平
地應真所過莫不蒙祐也

難移難可動 如彼重雪山 非賢則不現

於夜射冥室

賢聖之人心不可移動意欲所規必尅不難
移如衆山競出好藥隨意取之分別毒害是
故智者說衆德具足是故說曰難移難可動
如彼重雪山也非賢則不現於夜射冥室者
不以善知識不親近善知識少惡不出其本
少善不歎其德於冥室之中聞射其矢是
故說曰非賢則不現於夜射冥室也

賢者有千數。智叡在叢林。義理極深邃。智者所分別。

賢者有千數。智叡在叢林者。所謂賢者有所分別。聞一句義。暢演百數。辯才之法。思惟分別。皆由親練。是故說曰。賢者有千數。叡智在叢林也。義理極深邃。智者所分別者。分別諸法。不失次第。義理深邃。究暢其法。知所從生。知所從滅。分別義理。一一不失。是故說曰。義理極深邃。智者所分別。

多有眾生類。非射而不值。今觀此義理。無滅人所耻。

多有眾生類。非射而不值者。所謂值者。所修。

非法之人是也是故說曰多有衆生類非射而不值也今觀此義理無戒人所耻者利根捷疾觀是常非常有淨無淨戒住是者歎說其淨犯戒之人聞彼教訓謂為誹謗不說真誠自不稱名姓号之本亦不自卑歎譽彼者猶若善射之人分別善者而効其矢所以然者欲使惡者改修其行修身者敦崇正法是故說曰今觀此義理無戒人所耻也

觀有知恐怖
變易知有無
是故不樂有
為念遠離有

觀有知恐怖變易知有無者有者恐怖不可恃怙如實而不去離是故說曰觀有知恐怖

變易知有無也是故說曰不樂有高念遠離
有者夫人不樂與吾之本亦不思惟如業所
造是故說曰是故不樂有高念造離者也

無信無及復 穿墻不盜竊 斷彼悌望意

是名爲勇士

無信無及復者如有諸佛弟子無有篤信之
意何以改彼人不信佛不信法不信比丘僧
亦復不信苦習盡道盡者爲滅盡泥洹是彼
人不信亦不恭敬是故說曰無信無及復也

穿墻而盜竊者彼執行人穿墻有漏三界之
墻於中賀易望其福慶是故說曰穿墻而盜
竊也斷彼悌望意是名爲勇士者斷其利養

之想。妄有惓望人中之士。妄有過者。是故說曰。斷彼惓望。意是名為勇士也。

除其父母緣

王家及二種

遍滅其境界

妄垢為梵志

除其父母緣者。如來所以說。是者。現其愛心。永盡。妄餘。更不復生。是故說曰。除其父母緣也。王家及二種者。所以論王。現其憍慢二種者。一者戒律。二者邪見。除此憍慢。更不復興。是故說曰。王家及二種也。遍滅其境界。妄垢為梵志者。如來所以說。此者。欲見已慢。永盡。無餘。修其淨行。是故說曰。遍滅其境界。妄垢為梵志也。

若人無所依 知彼所貴食 空及無相願
思惟以為行

若人無所依者修行之人無衆結使亦不藏
貯是故說曰若人無所依也知彼所貴食者
世人依食以存其命知其搏食所出本末更
樂食者興意想著如彼生牛之皮意想食者
如彼火聚熾想食者猶如劍戟如彼搏食之
人親食本末或自手執或在鉢中思惟播覆
食所從生為從何滅觀諸惡處不可貪樂是
故說曰知彼所貴食也空及無想願思惟以
為行者如彼眾生入三解脱門思惟念道不
志心首是故說曰空及無想願思惟以為行也

鳥飛虛空而無足跡如彼行人說言無趣
鳥飛虛空而無足跡者虛空飛鳥悉名鳳凰
虛空之中不見足跡周旋往來都無處所是
故說曰鳥飛虛空而無足跡也如彼行人說
言無趣者彼修行人觀此義理都不知東西
南北所趣之方是故說曰如彼行人說言無
趣也

諸能斷有本

不依於未然

空及無想行

思惟以為行

諸有行人斷有根本所論有者欲有色有無
色有永盡無餘更不復興是故說曰諸能斷
有本也不依於未然者不知未變之事興衰

之變是故說曰不依於未然也空及無相行
思惟以為行者著三解脫滅盡之門以自誤
樂不能捨離是故說曰空及無相行思惟以
為行也

希有眾生 不順其徑 有度不度 為死甚難

希有眾生不順其徑者希有眾生生於中國
者復有眾生遇賢聖者亦復少耳是故說曰
希有眾生不順其徑也有度所度者多有眾
生求度世者亦復少耳不知生死根莖者無
是非斯由鄙濁不達性行是故說曰有度不
度也為死甚難者人之貪生但見目前不知
趣死與苦之患亦不思惟度世之業是故說

曰為死甚難也

諸有平等說 法法共相觀 盡斷諸結使
無復有熱惱

諸有平等說 法法共相觀者 夫人處世親察
是非法法成就 無有高下 是故說曰 諸有平
等說 法法共相觀也 盡斷諸結 使無復有熱
惱者 如彼行人 思惟校計 斷諸結 使去諸想
著 無復熱惱之患 是故說曰 盡斷諸結 使無
復有熱惱

行路無復憂 終日得解脫 一切結使盡
無復有衆惱

行路無復憂 終日得解脫者 履行之人 修德

自然畢竟苦惱不與塵垢是故說曰行路無
復憂終日得解脫也一切結使盡無復有眾
惱者如彼行人執意牢固結使永盡無餘是
故說曰一切結使盡無復有眾惱也

無造無有造

造者受煩惱

非造非無造

前憂後亦然

無造無有造造者受煩惱者人前為罪深知
非法向人布現求改懺悔不自隱藏苦更生
受戒不受苦惱是故說曰無造無有造造

受煩惱也非造非無造前憂後亦然者
為過尋時改悔壽終之日不不錯亂善
護不至惡道是故說曰非造非無造前憂後

亦然也

造者為善妙 以作不懷憂 造而樂而造
生天受歡喜

造者為善妙 以作不懷憂者 人修善行 與德
具足 與人所敬 莫不宗奉 壽終之後 生善處
天上 是故 說曰 造者為善妙 以作不懷憂 造
而樂而造 生天受歡樂也

亦復不知 論賢聖不差別 若復知 論議
所說 每垢跡 賢聖不差別

亦復不知 論賢聖不差別者 如彼行人 不解
議論 不別句義 若在大眾 不知威儀 禮節 賢
愚不別 是故 說曰 亦復不知 論賢聖不差別

也若復知論議所說每垢跡者每垢之論去
諸想者內懷執喜稱慶每量所聞法味充飽
一切不趣惡道餓鬼畜生地獄之惱是故說
曰若復知論議所說每垢跡也

說應法議論

當豎仙人幢

法幢為仙人

仙人為法幢

說應法議論昌熾法味與人演布文句具足
展轉相教仙人者諸佛世尊也說名身句身
一一分別豈有錯謬欲使正法久存於世是
故說曰說應法議論當豎仙人幢法幢為仙
人仙人為法幢也

或有寂然罵 或有在眾罵 或有未聲罵

世無有不罵

或有寂然罵者心內熾然呪咀不息欲使彼人遭水火盜賊內心思惟不彰露在外是故說曰或有寂然罵也或有在衆罵高聲大喚不避尊卑是故說曰或有有在衆罵也或有未聲罵權在衆中亦不高聲對面相罵是故說

十三

曰或有未聲罵世無有不罵

一毀一譽但利其名非有非無亦不可知

一毀一譽但利其名諸善功德育養其身設

得供養不以爲歡若彼毀辱不以爲感過去以滅善心不絕當來未至未有生非現在不住當復漂轉是故說曰一毀一譽但利其名

非有非無亦不可知也

叡人所譽 若好若醜 智人無缺 叡定解脫
如紫磨金 內外淨徹

叡人所譽若好若醜 學見廣見敷演一義而
不可及皆蒙得度 濟神離苦 猶如如來行則
履虛離地 四寸地上 印文炳然 自現其中 垂
螺有形之類 蒙光得度 七日安隱 永無衆苦
無能傷害 猶如紫磨純金 內外清淨 無有瑕
滓 是故說曰 叡人所譽 若好若醜 智人無缺
叡定解脫 如紫磨金 內外清徹也
猶如安明山 不爲風所動 叡人亦如是
不爲毀譽動

如彼安明山峙立安固終不爲風所動如來
處世去世八法不爲毀譽所動有一梵志多
聞廣見無事不苞聞佛出世不爲毀譽所動
持心如地不記好醜往至佛所以百種罵毀
訾如來後復以百種語讚譽如來如來心意
鏗然不動是故說曰猶若安明山不爲風所

動叢人亦如是不爲毀譽動也

如樹無有根

無枝況有葉

徒者以解縛

誰能毀其德

如樹無有根無枝況有葉者無明根本衆患
之源愛生枝葉以興邪見是故說曰如樹無
有根無枝況有葉也徒者以解縛誰能毀其

德者所謂健者諸佛世尊脫諸縛者更不與
胞胎之形亦復不從今世至後世是故說曰
健者以解縛誰能毀其德也

無垢無有住 身漸種苦子 最勝無有愛

天世人不知

無垢無有住者諸結使永盡無餘有結則有

住無結則無住亦無身漸亦無苦子是故說

曰無垢無有住身漸種苦子也最勝無有愛

天世人不知如來坐禪寂然入定三昧正受

滅形自隱諸天聖人欲得知如來者此事不

然是故說曰最勝無有愛天世人不知也

猶如網叢林 無愛況有餘 佛有無量行

無跡誰跡將

猶如網叢林者佛告比丘今當與汝說愛根本枝葉滋蔓善思念之廣說如契經流轉生死分著五道是故說曰猶若網叢林無愛無有餘者如來成道永無有愛永斷五道不處三界不受四生是故說曰無愛况有餘也佛有無量行無跡誰跡將者所謂佛者教悟一切諸法無事不知無事不達修四意止四意斷四神足根力覺道廣布演說無有窮極高而無上無能量度深邃無下深不可測有結則有跡無結則無跡夫人有足便得遊行東西南北四維上下計有跡者將人三思也

五道不離生死計無跡者則不至三界八
之處是故說曰佛有無量行無跡誰跡將也
若有不欲生以生不受有佛有無量行
無跡誰跡將

若有不欲生以生不受有者捨身受形經歷
生死億千萬身生死無量不可稱計今得成
道畢故身更不受形受諸苦惱是故說曰若
有不欲生以生不受有佛有無量行無跡誰
跡將也

若欲滅其想 內外無諸因 亦無過色想
四應不受生

若欲滅其想內外無諸因者所謂想者欲想

色想無色想行人永滅亦不使生亦復不造
三界結使內外清淨不造塵垢是故說曰若
欲滅其想內外無諸因也亦無過色想四應
不受生者如彼行人觀過去色過去造色未
來色未來造色現在色現在造色一一分別
四無有色如彼轉輪聖王統四天下身有大
人之相衆好具足行人觀彼如已無異不以
色好而興好想不以色醜而興惡想不見我
是彼非彼是我非我亦復不見是非是非
是都無好醜之想永斷四應不與從事是故
說曰亦無過色想四應不受生也

捨前捨後捨間越有一切盡捨不受生老

捨前捨後捨間越有所謂前者捨過去陰持
入結使縛著捨後者捨未來持陰入結使縛
著捨間越有者捨現持陰持入結使縛著捨
一切者於現身中得虛無道王三千典十方
由意自從所作已辦更不復受胎如實知之
是故說曰捨前捨後捨間越有一切盡捨不

受生老也

出曜經樂品第三十一

勝則怨滅 負則自鄙 息則快樂 無勝負心

勝則怨滅 負則自鄙 如彼怨家晝夜伺察彼
人於彼有大怨嫌從世至世不捨罪如是經
歷數百千身執怨乃息 負者自鄙是故說曰

勝則怨滅負者自鄙也息則快樂無勝負心
一切結使永盡無餘更不復起想著之念亦
復無勝負之心我勝彼不如彼勝我不如都
無彼此之心是故說曰息則快樂無勝負心也
若人撓亂彼 自求安樂世 遂成其怨憎
終不脫苦患

若人撓亂彼自求安樂世世多有人執迷惑
意怨讎心深觸撓於人自望快樂宗族蒙慶
如種苦栽冀望甘果唐喪功夫無益於時是
故說曰若人撓亂彼自求安樂世也遂成其
怨憎終不脫苦患卒鬪殺人猶尚可恕懷毒
陰謀乃不可親如斯之類必趣惡道所以然

者由其執愚不捨故也是故說曰遂成其怨
憎終不脫苦患也

善樂於愛欲 以杖加羣生 於中自求安
後世不得樂

善樂於愛欲一切衆生皆貪樂樂不樂苦惱
見苦則羣心不願樂已自行殺教人殺生已
自婬逸教人婬逸已自妄言綺語復教人妄
言綺語已自不與取復教他人竊盜他物是
故說曰善樂於愛欲也以杖加羣生者所行
非法濫枉百姓意之所存以傷爲本是故說
曰以杖加羣生也於中自求安後世不得樂
人作惡行皆自爲已捨身受形遭諸苦惱經

歷生死沉漂五道所生之處罪苦自隨是故
說曰於中自求安後世不得樂也

人欲得歡樂 杖不加羣生 於中自求樂

後世亦得樂

人欲得歡樂杖不加羣生一切衆生皆貪於
樂不樂於苦見彼苦者興慈愍心四等平均

視彼如赤子初不起怨捶杖衆生處世皆求
安身設我今日觸撓彼者後世之中受對無
數是故說曰人欲得歡樂杖不加羣生於中
自求樂後世亦得樂也

樂法樂學行 慎莫行惡法 能善行法者

今世後世樂

夫人在世務行於法選擇善法去其惡者周旋往來追善知識採取善教所至到處興布法事是故說曰樂法樂學行慎莫行惡法能善行法者今世後世樂也

護法行法者 行法獲善報 此應法律教
行法不趣惡

護法行法者行法獲善報者能自擁護法不使漏失後獲其福是故說曰護法行法者行法獲善報也此應法律教行法不趣惡者彼執行人以法自護所生之中不遇惡災從小至大悉受其對從天受福下生人間復重受福是故說曰此應法律教行法不趣惡也

護法行法者
行法不趣惡

如蓋覆其形

此應法律教

彼修行人擁護深法微妙之教去諸陰蓋如
猛赫熱而獲好蓋得蒙濟度是故說曰護法
行法者如蓋覆其形此應法律教行法不趣
惡也

惡行入地獄

所至墮惡道

非法自陷溺

如手把虵

惡行入地獄所至墮惡道者人為惡行非父

母兄弟宗親所為皆由己身為罪所致作罪

自受其殃無能代者外道異學所見不同外

道所見己身作罪他人受報是故說曰惡行

入地獄所至墮惡道也非法自陷溺如手把
蚘蚘者如彼人手把蚘蚘或以呪術而取者
或以藥草而取者或被師教而手翫弄惡蚘
呪罷之後爲蚘所嚙死入地獄餓鬼畜生經
歷生死無有休已是故說曰非法自陷溺如
手把蚘蚘也

不以法非法

二事俱同報

非法入地獄

正法生於天

不以法非法二事俱同報此衆生類造善惡
行不自覺知殃福之報爲善者不知善之有
報爲惡者不知惡之有報如彼有人得雜毒
之食得而享之不知食中有毒毒氣流熾不

便其身行惡之人亦復如是當時甘口後受
其殃遂喪其命不至善處有目之士觀食知
之斯是清淨其中無毒便取食之後無苦患
是故說曰不以法非法二事俱同報非法入
地獄正法生於天也

施與戰同處

此德智不譽

施時亦戰時

此事二俱等

昔舍衛城內有一長者名曰最勝更有長者
名曰難降二人慳貪國中第一饒財多寶七
珍具足象馬車乘僕從奴婢穀食業不可
稱計二人門戶各有七重勅守門者無令乞
兒入我門戶中庭之中鐵籠覆上恐有飛鳥

啄拾穀食屋舍四壁鑄鐵垣墻恐鼠穿齧
壞器物也是時五大聲聞各以次第詣彼教
化從地涌出教以法施長者二人聞之各不
受化後佛自往坐卧虛空放大光明佛與長
者說微妙法長者雖聞心猶不達內自思惟
佛來至舍不可虛忝使還精舍宜入藏裏取
一白氎布施如來即起入藏選一惡者反更
得好捨而更取倍得好者心意共諍不能自
決當於其日阿須倫與忉利天共鬪或天得
勝阿須倫不如或阿須倫得勝諸天不如忉
時世尊以天眼觀見長者心或時慳心得勝
施心不如或時施心得勝慳心不如忉時世

尊便說斯偈

施與戰同處

此德智不譽

施時亦戰時

此事二俱等

長者遙聞內懷慙愧如來所說正謂我身即
出好壘持用為施難降長者出五百兩金持
用惠施心開意解各見道跡也

人遭百千變

等除憍慢怨

時施清淨心

健夫最為勝

人遭百千變等除憍慢怨學人在家戀著財
業眾事情亂心不一定人欲修道當離家業
除去憍慢不興想著乃得惠施不望其報謙
恭卑下修德之本輕人貴己殃禍之灾是以

教人閑靜之處然後乃得修於道真是故說
曰人遭百千變等除憍慢怨也時施清淨心
健夫最爲勝施有五時獲五功德除去憍慢
自大之心意常清淨不懷穢濁是故說曰時
施清淨心健夫最爲勝也

忍少得勝多

戒勝懈怠多

有信惠施者

後身受善報

忍少得勝多戒勝懈怠多有衆生信心極
少瞋恚隆熾持戒忍辱亦復少少耳以能行
忍則勝怨讎持戒之人勝懈怠者猶如阿那
律一有施德與辟支佛九十劫中未曾起惡
道後生釋種家佛並父母弟出家學道成其

道果是故說曰忍少得勝多戒勝懈怠多有
信惠施者後身受善報也

快哉大福報

所願皆全成

速得第一滅

漸入無爲際

快哉大福報所願皆全成人之修福皆由前
身立行所致值良福田種子雖少獲報無量
若復前身觸撓賢聖施心不純無平等意設
受人形形狀醜陋爲人所輕作惡受惡作福
受福是故說曰快哉大福報所願皆全成也
速得第一滅漸入無爲際者衆結除盡諸德
普具淨如光明內外清徹意欲所求第一義
者尋時即獲欲得永入虛無之處尋時即得

無有疑滯正使外邪弊魔之徒欲來毀壞為
福之人尋時自壞無奈之何猶昔魔王將十
八億眾百頭一身形像可畏虎狼師子毒蛇
惡虺來恐如來如來福力使魔斷壞魔王退
之後尔時世尊便說斯偈

快哉大福報

所願皆全成

速得第一滅

漸入無為際

若彼求方便

賢聖智慧施

盡其苦源本

當知獲大幸

若彼求方便賢聖智慧施學人欲習賢聖法
者勇猛精進意不散然後乃應賢聖之法
是故說曰若彼求方便賢聖智慧施也盡其
苦源本當知獲大幸所謂苦者五盛陰是能

滅此者乃應道教是故說曰盡其苦源本堂
知獲大幸也

愛法善眠寐 心意潔清淨 賢聖所說法

智者所娛樂

學人習行達了深法曉了分別義句所趣心
意澹然無餘異想入定一意不為衆邪之所
傾動賢聖所言教翫而習之不能捨離智者
所習非愚所論是故說曰愛法善眠寐心意
潔清淨賢聖所說法智者所娛樂也

若人心樂禪 亦復樂不起 亦樂四意止

并及七覺意 及彼四神足 賢聖八品道

若人心樂禪亦復樂不起彼修行人所以樂

禪者欲於無餘泥洹界而取滅度不起不滅
是故說曰若人心樂禪亦復樂不起也亦樂
四意止并及七覺意止結不起謂之意止有
所覺悟故謂覺意是故說曰亦樂四意止并
及七覺意也及彼四神足賢聖八品道夫神
足法亦斷結使於現法中快樂無為賢聖八
品道於現法中亦斷結使快樂善利是故說
曰及彼四神足賢聖八品道也

善樂於搏食

善樂攝法服

善樂於經行

樂處於山藪

善樂於搏食善樂攝法服如彼行人以獲斷
一切之智分別食想意不染著起於食想食

若好若醜意無是非法服齊整不違先聖所
制服飾是故說曰善樂於搏食善樂攝法服
也善樂於經行樂處於山藪如佛契經所說
夫經行之人獲五功德云何爲五一者堪任
遠行二者多力三者所可食噉自然消化四
者無病五者經行之人速得禪定習道之人
得真如四諦微妙之法聞法意悟即入深山
無人之處禪定習道於無餘泥洹界而般泥
洹是故說曰善樂於經行善樂於山藪也
以逮安樂處 現法而無爲 以越諸恐懼
超世諸染著
以逮安樂處現法而無爲如彼修行之人於

有餘泥洹界真法自娛樂漸漸乃至滅盡泥
洹界是故說曰以逮安樂處現法而無爲也
以越諸恐懼超世諸染著者以見道跡越諸
苦難超世諸染著行過三界爲衆祐福田是
故說曰以越諸恐懼超世諸染著也

善樂於念待 善觀於諸法 善哉世無害

盲養衆生類 世無欲愛樂 越諸染著意

能滅已憍慢 此名第一樂

如來降神來適王家觀世非常万物如幻捨
世王位深山學道積年苦行坐樹王下成等
正覺七日七夜觀樹不眴如來今時即從座
起詣文鱗龍王所至彼宮殿而說斯偈

善樂於念待

善觀於諸法

善哉世無害

育養衆生類

世無愛欲樂

越諸染著意

能滅己憍慢

此名第一樂

龍聞此偈心開意解眼目得開覩如來形愴

然揮淚自鄙宿豐

耆老持戒樂

有信成就樂

分別義趣樂

不造衆惡樂

耆老持戒樂者夫學道之人年雖耆艾不辭

勞苦中有退心雖復年少盛日覩世榮而復

懈怠道之在心不問老少唯在剛烈乃在於

道耳信心以存何往不剋是故說曰耆老持

戒樂也有信成就樂者人有信心四事難動

正使化作佛形現諸光明欲來詭調者不能
使心移轉是故說曰有信成就樂者也分別
義趣樂者人之辯才皆由宿行億千萬劫乃
獲其辯雖出言教分別諸義一一所趣不失
次緒從一句義演至百千終不吐出麁獷之
言是故說曰分別義趣樂也不造衆惡樂者
夫人無惡則生天上人中受福是故說曰不
造衆惡樂也

世有父母樂

衆聚和亦樂

世有沙門樂

靜志樂亦然

世有父母樂衆聚和亦樂者如佛契經所說
父母恩重不可得記若使孝子欲報其恩右

肩負父左肩負母從生至長周行天地經百
千劫亦不能報父母一日之恩何以故皆由
父母長養五陰敷張六情使覩光明推燥居
濕隨時扶持是以孝子雖欲報恩百千分未
獲其一 是故說曰世有父母樂衆聚和亦樂
也世有沙門樂靜志樂亦然者出家學道斷
諸恩愛離棄家業恒行三業不失其操復爲
百千羣生所見愛念隨時供養供給所須出
家梵志勤身苦體求斷縛著所行清淨不造
惡本是故說曰世有沙門樂靜志樂亦然也
諸佛興出樂 說法堪受樂 衆僧和亦樂
和則常有安

諸佛興出樂者如來出現甚不可遇猶若優曇鉢華數千萬劫時時乃出尔時羣生見優曇鉢華各各歡喜自相謂言如來降世將在不久瑞應以現豈有虛乎古昔經籍自有明文若有此華出現世者如來出世亦復不久諸天世人共相慶賀皆設供養之具遲覩如來光相形容是故說曰諸佛興出樂也說法堪受樂者佛初得道衆相具足七七四十九日寂然入定不與衆生敷演法味後爲梵天所請便與四部之衆比丘比丘尼優婆塞優婆夷諸天龍神捷沓和阿須偏旃陀羅摩休勒人與非人暢演善法羣生蒙恩靡不濟度

是故說曰說法堪受樂也衆僧和亦樂和則
常有安者衆者其事非一或四或八或至無
數如來衆者爲最第一如來衆中有四雙八
輩十二賢士諸有衆生之徒競來供養修敬
聖衆者獲福無量如斯福田出生道果爲良
爲美爲無旱霜隨意所願靡不剋獲聖衆所
貴唯和爲上是故說曰衆僧和亦樂和則常
有安也

持戒完具樂

多聞廣知樂

覩見真人樂

解脫行跡樂

持戒完具樂者其有衆生遇持戒者承事供
養隨時瞻視後獲其報安處無爲快樂自由

是故說曰持戒完具樂也多聞廣知樂者復
有衆生遭遇多聞之人承受其教一一不失
名身句身味身義理通達尋究暢義聞便即
悟不復重受是故說曰多聞廣知樂也覩見
真人樂解脫行跡樂者設有衆生宿植德本
遭遇賢聖值彼羅漢得滅盡定及空寂定其
有衆生施真人者現身獲報錢財集聚所願
從意無願不果於諸結使永無所染是故說
曰覩見真人樂解脫行跡樂也

駛水清涼樂

法財自集快

得智明慧快

滅慢無邪快

駛水清涼樂者猶若駛河澄靜清涼聲響微

細不傷害物甘甜味極美學者所貪多所成就
是故說曰駛水清涼樂也法財自集快者所
謂法財者以法合集不在物理不為縣官盜
賊水火災變所見侵欺何以故皆由正法獲
其財利不在人物故使其然是故說曰法財
自集快也得智明慧快者如彼學人得世間
第一智盡能分別一切衆法普放光明有所
接悟是故說曰得智明慧快也滅慢無邪快
者人懷憍慢必凌懣人從永劫已來壞善德
不究竟皆由興怒是故說曰滅慢無邪快也
得覩諸賢樂 同會亦復樂 不與愚從事
畢故永以樂

得覩諸賢樂同會亦復樂者賢聖之人道果
以具衆德悉備曩所修學積行乃致其有恭
敬承事賢者後受其樂財業無數家人和穆
宗族日熾是故說曰得覩諸賢樂同會亦復
樂也不與愚從事畢故永以樂者善人修德
慕求良伴見惡知識終以遠離所以然者惡
人所稟終無善行隨人在冥不覩大明是故
說曰不與愚從事畢故永以樂也

不與愚從事

經歷無數日

與愚同居難

如與怨憎會

與智同處易

如共親親會

如與愚從事經歷無數日者若彼行人與愚
從事晝夜墮落墜在生死億佛過去不蒙濟

度是故說曰如與愚從事經歷無數日也與
愚同居難如與怨憎會者怨憎會苦難皆由
無明故不逐良師不與善知識從事是故說
曰與愚同居難如與怨憎會也與智同處易
如共親親會者智人所學必當上及相見同
歡先笑後語和顏悅色內外清泰無有諍訟
是故說曰與智同處易如共親親會也

人尊甚難遇

終不虛託生

設當託生處

彼家必蒙慶

人尊甚難遇終不虛託生者億千万劫不可
遭遇所謂人尊者諸佛世尊是所謂生之處
其種清淨父母真正其家饒財多寶七珍具

足金銀珍寶碑礫碼碯真珠琥珀象馬車乘
無所渴乏所生國土上下和穆共相順從是
故說曰人尊甚難遇終不虛託生也設當託
生處彼家必蒙慶者眷屬成就處在中國不
在邪僻是故說曰設當託生處彼家必蒙慶也
一切得善眠 梵志取滅度 不爲欲所染
盡脫於諸處 盡斷不祥結 降伏內煩惱
永息得睡眠 心識悉清徹
昔佛成道未久初度五人次後五人江村十
三人賢士衆中三十七人通佛六十一人介
時世尊告諸弟子汝等各各四面教化度閻
浮利地人吾欲獨往詣江水側度三迦葉師

徒千人次度舍利弗目捷連次度泐沙王在
羅閱城迦蘭陀竹園所介時阿那邠坻長者
有少俗緣來至羅閱城中造大長者欲得寄
住正值彼家男女僕從各各作役或破薪然
火或吹生熟食或有布置坐具毳毼毼毼是
時長者躬敷高座懸繒幡蓋香汁灑地是時
阿那邠坻長者問彼長者貴家今日辦具待
賓之調亦非小節爲欲請國王過舍爲是貴家
男欲取婦女欲嫁乎願聞其意其主報曰我
今所辦餽饌之具亦非天及世人所能測度
亦非國王羣臣百僚男不取婦女不出門我
所以辦具甘饌飲食者清旦請佛及比丘僧

在家供養阿那邠垢聞佛名號及比丘僧衣
毛悚豎悲而且喜尋往佛所頭面禮足在
面坐斯須退坐前白佛言伏惟天尊興居輕
利遊步康強聞僑在此得善眠乎亦時世尊
與阿那邠垢而說斯偈

一切得善眠

梵志取滅度

不為欲所染

盡脫於諸處

盡斷不祥結

降伏內煩熱

永息得睡眠

心識悉清徹

慎莫著於樂

當就護來行

當念捨於世

觀於快樂事

慎莫著於樂當就護來行者夫人學道不苦

不成要當須苦然後乃成捨世俗禪及俗解

脫修無漏禪無漏解脫是故說曰慎莫著於

樂當就護來行當念捨於世觀於懷樂事者
人遇小樂當更求索增其樂本是故說曰當
念捨於世觀於快樂事也

如世欲歡樂

及彼天上樂

此名爲愛盡

十六未獲一

如世欲歡樂及彼天上樂者世俗樂者欲界
之樂及彼天樂者色界之樂衆生之類長夜
之中迷惑五趣不知稟真貪著世俗禪福之
報流轉五趣周而復始謂爲得道永滅不起
是故說曰如世俗歡樂及彼天上樂也此名
爲愛盡十六不獲一者其有行人先斷愛根
永去枝葉執意懷懼防惡未然然後得無漏之

樂遊心自然於十六分中未得其一。是故說曰此名爲愛盡。十六不獲一也。

能捨於重擔 更不造重擔 重擔世之苦

能捨最快樂

能捨於重擔 更不造重擔 如人負重擔經過嶮難處 所負既不要 世俗不急貨 亦非金銀

珍寶 碑礫 碼碯 真珠 琥珀 乃是世俗不要之貨 傍人諫語 觀君所負 非是真實 何不捨之 更求真者 其人即捨 更求真者 觀此衆生 亦復如是 負五陰身 遊處欲界 宛轉生死 不能得出 聖人告曰 汝今所負 五陰之形 穢漏臭處 何負是爲宜 可速捨 更求輕者 今時衆生

即設方便捨欲界形受色界身以受色界之
形聖人復往就彼教化使令捨身就無漏智
五分法性是故說曰能捨於重擔更不造重
擔重擔卅之苦能捨最快樂也

盡斷諸愛欲 及滅一切行 并滅五陰本
更不受三有

如彼行人以無漏慧觀滅欲愛色愛無色愛
身行口行意行除身三口四意三永盡無餘
解知五陰興起本末更不復著三有之行是
故說曰盡斷諸愛欲及滅一切行并滅五陰
本更不受三有也

義興則有樂 朋友食福樂 彼滅寂然樂

展轉普及。苦為樂為本。

義興則有樂朋友食福樂。猶若商賈之人勞形苦體。冒涉危險。採致重寶。安隱還家。宗族慶賀。男女大小靡不歡喜。朋友同伴皆悉蒙恩。若使開意惠施。普及一切。無復眾苦。以樂為本。宗族娛樂不能捨離。是故說曰。義興則有樂朋友食福樂也。彼滅寂然樂。展轉普及。人苦為樂為本也。

猶彼火爐

赫炎熾然

漸漸還滅

不知所湊

如是等見人

免於愛欲泥

去亦無處所

以獲無動樂

猶彼火爐赫炎熾然者。猶若彼近火燒鐵丸。

極自熾然甚難可近是以聖人勸衆生類
怒癡火而自燒炙不自覺知是故說曰猶彼
火爐赫炎熾然也漸漸還滅不知所湊者如
彼熱鐵丸漸漸至冷不知熱之所湊亦復不
知冷之所在是故說曰漸漸還滅不知所湊
也如是等見人免於愛欲泥者彼修行人得
等解脫無復罣礙免於愛欲之深泥便得離
於生死之岸是故說曰如是等見人免於愛
欲泥也去亦無處所以獲無動樂者如是之
類神與冥合識與空體亦復不知東西南北
四維上下來亦不知所從來去亦不知所從
去猶如熱鐵丸漸漸欲冷不知熱之所湊亦

復不知冷之所在是故說曰去亦無處所以
獲無動樂也

中間無有恚

有變易不停

除憂無有愁

寂然觀世有

中間無有恚者所謂恚者染污人心不至于
道唯有無垢之人乃能免此恚怒之心是故
說曰中間無有恚也有變易不停者世多有人
行有輕重舉操不同或有冥契運至不造結
使或有知而故犯以興塵勞是以聖人布誠
後生欲令執行之人改既往之失絕將來之
禍貪學之人翫之寶之未墜于心便能進適
賢聖之室然後方知聖法之可崇穢法之叵

近是故說曰有變易不停也除憂無愁者如
彼修行人永拔愁憂之本與樂根共相應寂
然觀世變如彼約野馬也是故說曰除憂無
有愁寂然觀世有也

有樂無有惱 正法而多聞 設見有所損
人人貪於色

有樂無有惱正法而多聞者如彼入定晝夜
禪寂不離定意空無相願以爲遊觀當來雖
復身遭苦行神寂無爲無所傷損如彼行人
無瞋怒心慈愍羣萌與己無異是故說曰有
樂無有惱正法而多聞也設見有所損又人
貪於色者如彼學者觀彼根源姪癡病衆

禍之首皆起欲怒心意共相染汚以成大患
便不能脫生老病死愁憂苦惱衆患之源是
故說曰設見有所損人人貪於色

無結世善壽

大法知結源

人當明結瑕

人人心縛著

亦縛於色本

無結之人姪怒癡盡不復樂俗衆結之本怨

讎恚心亦復不興明人所鑒能斷斯病既自

去病復治他人使無有病亦復不念著於衆

色利衰毀譽其心不動是故說曰無結世善

壽大法知結源人當明結瑕人人貪縛著亦

縛於色本

一切受辱苦

一切在已樂

勝負自然興

竟不有所獲
一切受辱苦一切任己樂者人遭困厄意不
得舒瞻人顏色恒恐失意自恣之人隨意所
如念則即至如響應聲是故說曰一切受辱
苦一切任己樂也勝負自然興竟不有所獲
者如人處世貴賤無常或為轉輪聖王後便
為粟散諸王一尊一卑或高或下唯有賢聖
之道無有尊卑高下是故說曰勝負自然興
竟不有所獲也

諸欲得樂壽
不忍處諸有

能忍彼輕報

忍者忍於人

取要言之略說其義無害而生害無惱而生

惱無恚而生恚無怨而生怨如上無異

諸欲得樂壽於感而無惑惑者惑於人

我無有斯惑諸欲得樂壽終已無結著

當食於念食如彼光音天恒以念為食

意身無所燒村野見苦樂彼此無所燒

雖值更樂跡無跡焉有更

三十一

村野見苦樂彼此無所燒者人之修道或在

城傍依村而住或在曠野無人之處或時遇

苦衆人痛心時復遭樂不以為歡不興更樂

起十二緣病彼者彼六塵此者此六情是故

說曰村野見苦樂彼此無所燒也雖值更樂

跡無跡焉有更者人之處世心直放逸先更

後樂遂增罪根或時生彼地獄更樂無更則
無跡亦復無有地獄更樂是故說曰雖值更
樂跡無跡焉有更也

所在有賢人不著欲穢垢 正使遭苦樂

不興於害心

所在有賢人不著欲穢垢者聖人處世多自

隱遁不著欲想不興欲垢所謂賢人阿那含

阿羅漢是故說曰所在有賢人不著欲穢垢

也正使遭苦樂不興於害意者雖遭苦樂不

興想著是故說曰正使遭苦樂不興於害意也

黥鳥感跨苦化如蟻作下城怡及第之銜音餐鐵音

圈集卷睹張如穗音喘尺軟捐捐入二同伊潰

讚音料簡上音瞪瞽上正作曹丁鄧邁莫敗慌

虎廣峙直里沮才呂番鳥猛叡羊歲矢式旨

播覆上必个及詛之助印字蚤螺二同盧弋

漸七熖撓及女巧隨語巧及又享之許兩中庭

俗作毳牒撰一作上選朐詩閏愴初狀詭調俱

委及下推燥上土回及操七到遲去聲僻亦足

及邠垣上及中及毳耗上音嚮下毳登塔上音

登音僑音湊七奏及

